

SEJARAH BUKIT HARIMAU MENANGIS

Panggilan orang tempatan 'Bukit Rima Nangis' jugak dikenali dengan jolokan 'Bukit Pok Long'. Bukit ini merupakan tempat yang begitu strategik kedudukannya berikutan ianya merupakan bukit paling tinggi di sebelah barat Kemasik.

Bukit ini terletak di dalam kawasan Kampung Penghulu Stapa yang menjadi penghubung antara Kampung Semayor dan Ayer Jernih.

Pembukaan awal penempatan Kampung Baru Kemasik bermula sekitar 200 tahun dahulu selepas Che Wan Teh membuka penempatan di Kemaman yang terletak di Kampung Che Wan, Kijal. Namun rekod yang sahih adalah pada tahun 1810, Lebai Saras telah merekod dalam dokumennya pada 1890-an, bahawa beliau adalah orang yang pertama menjumpai Kemaman. Penempatan kampung baharu berkembang, antaranya Daerah Kemasik (catatan Abdullah Munshi) dan Marco Polo dalam buku catatan pengembaraan mereka telah memperincikan pengembaraannya apabila singgah di Pangkalan Tanjung Kemasik sementara menunggu perubahan angin monsun reda.

Nama Kemaasik pada asalnya adalah Kampung Darat Kemasik. Di pinggir salah satu bukit ini terdapat satu tempat yang mempunyai sumber air tawar yang telah digunakan oleh seorang Orang Kaya Semantan Terengganu dan rombongannya menyucikan diri sebelum meneruskan perjalanan ke Istana Pahang sebagai rutin tahunan diplomatik.

Nama Kemasik pada asalnya adalah Kampung Darat Kemasik. Di pinggir salah satu bukit ini terdapat satu tempat yang mempunyai sumber air tawar yang telah digunakan oleh seorang Orang Kaya Semantan Terengganu dan rombongannya bernama Lubuk Panjang bagi menyucikan diri sebelum meneruskan perjalanan ke Istana Pahang sebagai rutin tahunan diplomatik.

Penduduk asal kampung ini adalah dari Kampung Jerong, Daerah Marang. Mereka merupakan sekumpulan penduduk yang melarikan diri berikutan bimbangan keselamatan isteri-isteri dan anak-anak gadis mereka yang sering diganggu dan diculik oleh orang-orang kenamaan di sana.

Selain Kampung Penghulu Stapa, terdapat beberapa lagi kampung kecil iaitu, Kampung Alur Serdang, Kampung Sarang Lang, Kampung Lubuk Kawah, Kampung Tok Kaya, Kg. Gong Pok Amat, Kg. Lubuk Panjang, Kg. Hala Medang, Kg. Cherong Piring, Kg. Gong Agu dan Kg. Pok 'Yak.

Bukit Rima Nangis terkenal dengan DUA Lagenda Sejarah. Pertamanya, dengan serangan ganas spesies Harimau Malaya pada tahun 1949. Dan, dengan serangan Gerila Komunis Terhadap Pasukan Polis Dari Balai Polis Ayer Jernih pada tahun 1951.

Pertama, menurut cerita orang-orang lama, dahulunya di atas bukit sana tinggal sekumpulan Orang Asal (kini, Orang Asli) berikutan berpindah setelah kedatangan pendatang Orang Jerong yang telah membuka penempatan di kampung mereka. Kalangan mereka mempunyai seorang Tok Batin yang dikatakan mempunyai kehebatan yang luar biasa dalam bidang perubatan secara tradisional. Bahkan beliau juga turut dikatakan berkebolehan mengawal semangat hutan termasuklah membuat ikatan janji dengan haiwan-haiwan pemangsa seperti harimau, gajah, badak dan sebagainya agar tidak mengganggu orang-orangnya.

Terjadi suatu peristiwa di mana bukit yang diduduki itu, seekor harimau belang telah mengejar sekumpulan Orang Asal menyebabkan Tok Batin amat marah dan mencari 'Pak Belang' yang dikatakan mencabuli perjanjian damai tersebut, Dikatakan seekor daripada 34 ekor harimau tersebut dengan angkuhnya mengaku akan perbuatan itu dan telah bersumpah untuk tidak menghormati perjanjian itu.

Tanpa berlengah lagi, Tok Batin dikatakan telah menampar harimau tersebut sehinggakan mengeluarkan bunyi ngauman seolah-olah tangisan anak kecil yang sedang menanggis. Kejadian itu turut didengari oleh penduduk bawah bukit. Dikatakan bahawa tangisan itu berlangsung selama 3 hari berturut-turut, siang dan malam.

Cerita kedua, sebelum kedatangan Jepun lagi, masyarakat kampung telah membuka tanah untuk bertani. Dikatakan sehingga kini pun masih boleh dilihat terdapat pohon dusun (durian, pisang, nangka, cempedak, rambutan, duku, langsung, mangis dll). Selain itu, penduduk turut membuka ladang getah sebagai menjana aktiviti industri peladangan negara.

Suatu hari orang kampung dikejutkan bunyi ngauman harimau yang dikatakan telah kematian anaknya. Punca kematian anak harimau tersebut dikononnya telah dibunuh oleh sekumpulan pemuda yang melalui satu air panchor dan ternampak anak harimau sedang bermain dengan anak ikan seruan dalam lompakan air panchor tersebut.

Tanpa menyedari akan bahayanya, anak harimau itu telah dibenamkan di dalam air panchor sehingga lemas dan akhirnya mati.

Tanpa menyedari akan biahayanya, anak harimau itu telah dibenamkan di dalam air panchor sehingga lemas dan akhirnya mati.

Ibu harimau mengesan kesan bau tangan manusia pada badan anaknya yang mati itu, menyebabkan harimau itu mengaum sekuat hati di atas puncak bukit tersebut. Tujuannya sebagai memberi amaran kepada manusia bahawa mereka tidak lagi diberi kebenaran memasuki dusun-dusun mereka.

Penduduk tidak berani lagi masuk ke sana menyebabkan mereka telah meminta bantuan dari kerajaan untuk membantu menyelesaikan masalah ancaman harimau.

Dikatakan ngauman itu tidak berhenti-henti samada siang mahupun malam. Disebabkan faktor topografi berbukit-bukit, nyaringan ngauman harimau tersebut tidak ubah seperti suara yang serak basah sedang menanggis.

Pegawai Britain ketika itu telah meminta bantuan Sir Lot. Col. Anthur Locke bagi menyelesaikan ancaman ganas harimau spesies Malayan Tiger.

Pada 2 September 1949, akhirnya harimau tersebut berjaya ditembak mati oleh Sir Lot. Col. Anthur Locke setelah harimau tersebut mengorbankan seramai 12 orang mangsa yang terdiri daripada 7 orang penoreh Cina dan 5 orang penoreh Melayu.

Begitulah nama Bukit Rima Nangis mendapat lagendanya.